



RESOLUCIÓN CONXUNTA DA SECRETARIA XERAL TÉCNICA DA VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA E DA AXENCIA PARA A MODERNIZACIÓN TECNOLÓXICA DE GALICIA POLA QUE SE DECLARAN ACTUACIÓNS ADMINISTRATIVAS AUTOMATIZADAS

A Lei 39/2015, do 1 de outubro, do procedemento administrativo común das administracións públicas, no seu artigo 9, indica entre os sistemas de identificación dos interesados admitidos no procedemento os “sistemas de clave concertada e calquera outro sistema que as administracións públicas consideren válido, nos termos e condicións que se establezan”.

A Orde do 6 de febreiro de 2014 pola que se aproba o protocolo de identificación e sinatura electrónicas da Administración xeral e do sector público autonómico de Galicia, habilita a Chave365 como o sistema de claves concertadas da Xunta de Galicia que permite aos cidadáns identificarse e asinar documentos na sede electrónica da Xunta de Galicia sen necesidade de usar certificados dixitais nin o DNI electrónico. Así, Chave365 permite un acceso áxil e seguro tanto á información recollida na carpeta do cidadán como á realización de moitos dos trámites dispoñibles na sede electrónica da Xunta de Galicia, sen a necesidade do uso de certificados electrónicos.

A Resolución conxunta do 3 de setembro de 2015, da Vicepresidencia e Consellería de Presidencia, Administracións Públicas e Xustiza e da Axencia para a Modernización Tecnolóxica de Galicia, acorda a posta en funcionamento de Chave365 como o servizo de claves concertadas da Administración xeral e do sector público autonómico de Galicia.

A Lei 40/2015, do 1 de outubro, de réxime xurídico do sector público, (en adiante só Lei 40/2015), integra as materias que demandaban unha regulación unitaria das relacións *ad intra* de cada Administración e das relacións entre elas, como a sinatura e as sedes electrónicas, o intercambio electrónico de datos en contornos pechados de comunicación e a actuación administrativa automatizada.

O artigo 41.1 da Lei 40/2015 define actuación administrativa automatizada como calquera acto ou actuación realizada integramente a través de medios electrónicos por unha Administración pública no marco dun procedemento administrativo e na cal non interviñese de forma directa un empregado público.





O artigo 41.2 da devandita lei determina que “en caso de actuación administrativa automatizada deberase establecer previamente o órgano ou órganos competentes, segundo os casos, para a definición das especificacións, programación, mantemento, supervisión e control de calidade e, se fose o caso, auditoría do sistema de información e do seu código fonte. Así mesmo, indicárase o órgano que debe ser considerado responsable para efectos de impugnación”.

A Orde do 6 de febreiro de 2014 pola que se aproba o protocolo de identificación e sinatura electrónicas da Administración xeral e do sector público autonómico de Galicia, no punto 3.4 do seu protocolo, determina que a creación de selos electrónicos realízase mediante resolución das secretarías xerais, secretarías xerais técnicas, direccións xerais ou persoa titular da dirección da entidade pública instrumental competente, que deberá ser publicada en sede electrónica.

Por todo o exposto,

RESOLVO:

Primeiro. Declarar as seguintes actuacións administrativas automatizadas a través de sistemas de información no ámbito da Orde do 6 de febreiro de 2014 pola que se aproba o protocolo de identificación e sinatura electrónicas da Administración xeral e do sector público autonómico de Galicia:

a) A sinatura electrónica avanzada con certificado recoñecido dos documentos asinados polos cidadáns mediante o sistema Chave365 co obxecto de facelos interoperables.

Segundo. Os órganos responsables en relación coa actuación administrativa automatizada relacionada no apartado anterior serán:

a) A Secretaría xeral técnica da Vicepresidencia e Consellería de Presidencia, Administracións Públicas e Xustiza como órgano responsable da definición das especificacións destas actuacións administrativas automatizadas.

b) A Axencia para a Modernización Tecnolóxica de Galicia como órgano responsable da programación, mantemento, supervisión e control de calidade e, no seu caso, auditoría do sistema de información e do seu código fonte.





c) A Secretaría xeral técnica da Vicepresidencia e Consellería de Presidencia, Administracións Públicas e Xustiza como órgano responsable para os efectos de impugnación.

Terceiro. Autorizar a Axencia para a Modernización Tecnolóxica de Galicia para xestionar a solicitude de creación dun selo electrónico denominado “Sistema de identificación e sinatura CHAVE365 da Xunta de Galicia” ante a autoridade de servizos de certificación que corresponda.

A titularidade así como a responsabilidade do seu uso corresponderá a Secretaría xeral técnica da Vicepresidencia e Consellería de Presidencia, Administracións Públicas e Xustiza.

Os datos que deberán constar no selo electrónico son os seguintes:

- a) NIF do organismo subscritor: S1511001H
- b) Organismo subscritor: Secretaría xeral técnica da Vicepresidencia e Consellería de Presidencia, Administracións Públicas e Xustiza
- c) Nome do selo: “Sistema de identificación e sinatura CHAVE365 da Xunta de Galicia”

Cuarto. Autorizar a Axencia para a Modernización Tecnolóxica de Galicia para utilizar o selo electrónico denominado “Sistema de identificación e sinatura CHAVE365 da Xunta de Galicia” para asinar as actuacións administrativas automatizadas declaradas nesta resolución e a realizar as tarefas técnicas precisas para a súa implantación efectiva nos sistemas automatizados que dan soporte as actuacións e procedementos mencionados.

Quinto. Autorizar a Axencia para a Modernización Tecnolóxica de Galicia para a renovación do selo electrónico “Sistema de identificación e sinatura CHAVE365 da Xunta de Galicia” sempre e cando continúen vixentes as actuacións administrativas automatizadas declaradas nesta resolución.

Sexto. A presente resolución producirá efectos desde o día da súa sinatura e publicarse na sede electrónica da Xunta de Galicia.





XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Secretaría Xeral Técnica



Santiago de Compostela,

Secretaría xeral técnica da
Vicepresidencia e Consellería de
Presidencia, Administracións Públicas e
Xustiza

Directora da Axencia para a Modernización
Tecnolóxica de Galicia

Beatriz Cuiña Barja

Mar Pereira Álvarez

